

Հ Ր Ա Տ Ո Ւ

ՄՈՍԿՎԱՅԻ ԵՎ ԱՆԴՐԿՈՎԿԱՍԻ ԳԻՏՆԱԿԱՆՆԵՐԻ
ՄԻԱՑՅԱԼ ԳԻՏԱԿԱՆ ՍԵՍԻԱՆ ԲԱՔՎՈՒՄ

1954 թ. ապրիլի 2-ին Բաքվում իր աշխատանքներն ավարտեց Մոսկվայի և Անդրկովկասի գիտնականների միացյալ գիտական սեսիան, որին մասնակցում էին ՍՍՌԿ Գիտությունների ակադեմիայի Պատմական գիտությունների և Փիլիսոփայության բաժանմունքները, ՍՍՌԿ Գիտությունների ակադեմիայի Էկոնոմիկայի իրավունքի բաժանմունքները, ինչպես և վրացական, ադրբեջանական և Հայկական ՍՍՌ Գիտությունների ակադեմիաների Հասարակական գիտությունների բաժանմունքները:

Սեսիայում ներկա էին միջին ասիական ռեսպուբլիկաների ու Դաղստանի գիտնականները, ինչպես և պարտիական ու սովետական կազմակերպությունների ներկայացուցիչներ:

1954 թ. մարտի 29-ի նիստում, սեսիան բաց անելով, Ադրբեջանական ՍՍՌ Գիտությունների ակադեմիայի պրեզիդենտ ընկ. Ալիևը ընդգծեց գիտական խնդիրները համատեղ մշակելու անհրաժեշտությունը և Ադրբեջանի գիտնականների կողմից ուղղունց ՍՍՌԿ հյուրերին, հաջողություն ցանկանալով նրանց աշխատանքին:

Պրեզիդենտ Ալիևի ներածական ճառից հետո, սեսիայի հերթական նիստերում կարդացվեցին հետևյալ զեկուցումները. 1) Կոմունիստական պարտիայի ղեկավարող և ուղղություն տվող դերը կոմունիզմի շինարարության մեջ, զեկուցող՝ պատմական գիտությունների թեկնածու Վ. Զա. Զևին. 2) Ժողովրդական մասսաների դերը կոմունիզմի շինարարության մեջ, զեկուցող՝ ՍՍՌԿ Գիտությունների ակադեմիայի թղթակից անդամ պրոֆ. Մ. Դ. Կամարի. 3) Սովետական պատմաբանների կարևորագույն խնդիրները, զեկուցող՝ ակադեմիկոս Ա. Մ. Պանկրատով. 4) Ադրբեջանական, վրացական և հայկական սոցիալիստական ազգերի կազմավորման ու զարգացման մասին, զեկուցողներ՝ Ադրբեջանական Գիտությունների ակադեմիայի թղթակից անդամ պրոֆեսոր Ի. Ա. Հյուսեյնով, Վրացական ՍՍՌ Գիտությունների ակադեմիայի իսկական անդամ Գ. Վ. Խաչապուրիձե և պատմական գիտությունների թեկնածու Ա. Մ. Հակոբյան. 5) Անդրկովկասյան ժողովուրդների պատմության պերիոդիզացիայի հիմնական պրոբլեմները, զեկուցող՝ Հայկական ՍՍՌ Գիտությունների ակադեմիայի թղթակից անդամ պրոֆեսոր Ս. Տ. Երեմյան. 6) Անդրկովկասյան ժողովուրդների պատմության ֆալսիֆիկացիան արդի անգլո-ամերիկյան և թյուրքական ռեակցիոն պատմագրության մեջ, զեկուցող՝ Հայկական ՍՍՌ Գիտությունների ակադեմիայի իսկական անդամ Մ. Գ. Ներսիսյան. 7) Ադրբեջանական աշխատավորների պայքարը հանուն Սովետական իշխանության հաղթանակի, զեկուցող՝ պատմական գիտությունների դոկտոր պրոֆեսոր Զ. Ի. Իբրահիմով. 8) XIX դարի Ռուսաստանի առաջագիտական շարժումների ազդեցությունն անդրկովկասյան ժողովուրդների հասարակական մտքի զարգացման վրա, զեկուցողներ՝ փիլիսոփայական գիտությունների դոկտոր Խ. Ն. Մոմջյան, փիլիսոփայական գիտությունների թեկնածուներ Մ. Մ. Կասառևով և Ն. Աբգիանիձե. 9) ՍՄԿԿ ԿԿ Սեպտեմբերյան պլենումի որոշումը և սովետական տնտեսագիտության խնդիրները, զեկուցող՝ ՍՍՌԿ Գիտությունների ակադեմիայի թղթակից անդամ Վ. Պ. Դյաչենկո. 10) Ադրբեջանի գյուղատնտեսության զարգացման դրությունն ու նրա հեռանկարները, զեկուցողներ՝ պրոֆեսոր Ա. Ս. Սարաջև և գյուղատնտեսական գիտությունների դոկտոր Ն. Ս. Յաշվիլի. 11) Գյուղատնտեսական հումքային բազաների ու պարենային և արդյունաբերական ապրանքների զարգացումը Հայկական ՍՍՌ-ում, զեկուցող՝ տնտեսական գիտությունների թեկնածու Ս. Ի. Խրիմլյան. 12) Վրաստանի, Ադրբեջանի և Հայաստանի ժողովուրդների բարեկամությունն ու հղթարությունը գրականության մեջ, զեկուցողներ՝ դոցենտ Բ. Բ. Ժգենտի, ֆիլոլոգիական գիտությունների թեկնածուներ՝ Մ. Յ. Գուլիզիձե, Է. Ս. Թոփչյան և Ս. Ա. Հարությունյան. 13) Ակադեմիկոս Վ. Վ. Վինոգրադովի սովետական լեզվաբանության դրությունն ու նրա խնդիրները՝ աշխատասիրությունը, ընթերցող՝ ՍՍՌԿ Գիտությունների ակադեմիայի թղթակից անդամ Բ. Ա. Սերբերենիկով. 14) Վրաց գրականության և լեզվի կազմավորման հարցի շուրջը, զեկուցողներ՝ Վրացական ՍՍՌ Գիտությունների ակադեմիայի իսկական անդամներ պրոֆեսոր

Վ. Տ. Թոպուրիա և ֆիլոլոգիական գիտությունների թեկնածու Ի. Մ. Գիգինյան (15) Վրաստանի, Հայաստանի և Ադրբեջանի՝ Ռուսաստանին միանալու պրոգրեսիվ նշանակությունը, զեկուցողներ՝ Վրացական ՍՍՌ Գիտությունների ակադեմիայի իսկական անդամ Ն. Ա. Բերձենիշվիլի, պատմական գիտությունների դոկտոր Յա. Չ. Յինցաձե, պատմական գիտությունների դոկտոր պրոֆեսոր Վ. Ա. Պարսամյան, պատմական գիտությունների թեկնածուներ Վ. Վ. Ոսկանյան, Գ. Բ. Աբդուլլահ և Մ. Մ. Էֆենդիև (16) Մարքսիզմն Անդրկովկասում տարածվելու (մինչև ռուսական առաջին ռեյուցիան) պատմությունից, զեկուցողներ՝ պատմական գիտությունների թեկնածուներ Ա. Ն. Գուլիև, Վ. Ա. Ավետիսյան և վիլիսոփայական գիտությունների թեկնածու Լ. Ե. Գորգիլաձե (17) Հայկական ՍՍՌ Հեղինակական ռեսուրսները և նրանց օգտագործումը ժողովրդական տնտեսության զարգացման համար, զեկուցող՝ Կ. Խ. Վերմիշև (18) Վրացական ՍՍՌ արդյունաբերության հիմնական ֆոնդերի օգտագործման խնդիրները, զեկուցող՝ տնտեսական գիտությունների թեկնածու Կ. Մ. Դադիաճի (19) Արտադրությունն ու սպառումը սոցիալիզմի ժամանակ, զեկուցող տնտեսական գիտությունների դոկտոր պրոֆեսոր Բ. Ի. Ախունդով (20) Միրզա Ֆաթալի Ախունդովի ստեղծագործությունը, զեկուցող՝ ֆիլոլոգիական գիտությունների թեկնածու Մ. Դ. Ջաֆարով (21) Դաբրիել Սունդուկյանի ստեղծագործությունը, զեկուցողներ՝ ֆիլոլոգիական գիտությունների թեկնածուներ Ռ. Վ. Ջարյան և Կ. Մ. Թարվերդիև (22) Իլյա Ճավճավաձեի ստեղծագործությունը, զեկուցողներ՝ ֆիլոլոգիական գիտությունների թեկնածուներ Բ. Ալիև և Լ. Ն. Ասատրյան (23) Ռուսաց լեզվի բարերար ազդեցությունն արդի հայերենի և ադրբեջաներենի վրա սովետական ժամանակաշրջանում, զեկուցողներ՝ ֆիլոլոգիական գիտությունների դոկտոր Ս. Կ. Ղազարյան և ֆիլոլոգիական գիտությունների թեկնածու Ռ. Ա. Ռուստամով (24) Վրաց լեզվի բացատրական բառարանի կազմելու սկզբունքները՝ քերականության կառուցվածքի առանձնահատկությունների կապակցությամբ, զեկուցող՝ Վրացական ՍՍՌ Գիտությունների ակադեմիայի իսկական անդամ Ա. Ե. Զիկոբաժև (25) Հայերեն բարրառների կլասիֆիկացիայի սկզբունքները, զեկուցող՝ Հայկական ՍՍՌ Գիտությունների ակադեմիայի թղթակից անդամ Ա. Ս. Ղարիբյան:

Զեկուցումների շուրջը տեղի ունեցած մտքերի փոխանակությանը մասնակցեցին ընկ. ընկ. Գիակոնովը, Անշարաձեն, Յամպոլսկին, Տոկարժևսկին, Նաչաֆովը և ուրիշները:

Անդրկովկասյան ռեսպուբլիկաներում կատարված արխիվոգիական աշխատանքների մասին (Մինգեչաուր, Կարմիր բլուր, Գառնի, Վրաստանի միջնադարյան հուշարձաններ) հաղորդում առնցին Հայկական ՍՍՌ Գիտությունների ակադեմիայի թղթակից անդամ պրոֆեսոր Բ. Բ. Պրոտրովսկին և պատմական գիտությունների թեկնածուներ Բ. Ն. Առաքելյանը, Ս. Մ. Կազիևը և Գ. Ա. Լոմպատիձեն:

Սեսիայի նիստերը տեղի ունեցան մարտի 29-ին, 30-ին և 31-ին: Ապրիլի 2-ին Ադրբեջանական ՍՍՌ Գիտությունների ակադեմիայի մեծ դահլիճում, եզրափակիչ պլենար նիստում ակադեմիկոս Ա. Մ. Պանկրատովան ամփոփեց սեսիայի աշխատանքները, ցույց տվեց նրանց բեղմնավոր կողմերը:

Եզրափակիչ խոսքով հանդես եկավ Ադրբեջանական ՍՍՌ Գիտությունների ակադեմիայի վիցե-պրեզիդենտ Սամեդ Վուրդունը:

Սեսիայում կազմակերպված զեկուցումներից մի քանիսը կտպագրվեն «Տեղեկագրի» հաջորդ համարներում:

